



PENILAIAN AKHIR TAHUN SD PANDU TAHUN AJARAN 2020/2021



MATA PELAJARAN	BAHASA SUNDA
TEMA	7 - 8
NAMA LENGKAP	
KELAS/NO ABSEN	
HARI/TANGGAL	

Gajah Éléh ku Sireum



Aya gajah matuhna di leuweung. Manéhna ngarasa jadi sato panggedéna. Sikepna sok asa aing, tara ngajénan ka sasatoan séjén, pangpangna ka sato leutik. Mun gajah ngaliwat ka hiji tempat, tara noli kana tincakeun. Sagala didupak, sagala diidek.

Tah, anu mindeng ngarasa dikakaya téh sireum. Teuing geus sabaraha kali sayangna ancur katincak gajah. Atuh sireum téh loba nu paéh.

Pamingpin sireum geus remen nyarita ka gajah. Lamun rék ngaliwat téh kudu nempo heula tincakeun, ulah sangeunahna. Tapi gajah téh teu ngadéngé kana omongan sireum. Pilakadar

sato leutik, naha kahayangna maké kudu diturut, ceuk gajah dina jero haténa.

Gajah teu ngarobah kalakuanana. Mun ngaliwat ka lebah sayang sireum, angger sok sangeunahna waé. Geblig, geblig leumpang bari dangah. Sayang sireum katincak. Sireum buriak lalumpatan. Nempo kitu téh, gajah ngarasa atoh.

Atuh sireum téh beuki kareuheuleun. Terus waé badami rék nyieun rencana pikeun males ka gajah. Sireum anu jumlahna loba téh nyieun lombang. Ari ku dikeureuyeuh mah ahirna mah anggeus éta lombang téh. Ukuranana cukup keur awak gajah.

Sanggeus bérés, terus ditutupan ku régang jeung dangdaunan, tepi ka teu katempo yén saenyana mah éta téh lombang. Sireum ngarintip di sabudeureun lombang, bari ngadagoan gajah ngaliwat ka lebah dinya.

Anu didago-dago datang. Sakumaha sasari, gajah ngaliwat ka dinya. Angger leumpangna téh teu nempo tincakeun.

Waktu tepi ka luhureun lombang, ngan gebros waé gajah téh tiporos, terus tibeubeut kana jero lombang. Manéhna hésé rék hanjat, da puguh lombang téh jero. Komo deui sanggeus sireum napuk. Awak gajah dicocoan sireum anu jumlahna rébuan. Malah aya anu asup kana panon, ceuli, jeung irung gajah.

Gajah ampun-ampunan. Ti harita gajah téh ngaku éléh. Manéhna sadar yén kalakuanana mindeng ngarugikeun batur. Najan sireum téh ukur sato leutik, tapi lamun geus ngahiji mah geuning mampu ngalawan. Lamun geus ngahiji, sato leutik bisaun ngéléhkeun sato gedé.

A. JAWAB PANANYA SALUYU JEUNG TEKS BACAAN DI LUHUR!

1. Kumaha sikep gajah pédah ngarasa jadi sato panggedéna téh?

2. Naon sababna sireum ngarasa mindeng dikakaya ku gajah?

3. Sanggeus diomongan ku pamingpin sireum, naha gajah ngagugu?

4. Kumaha badamina sireum pikeun males ka gajah téh?

5. Ceuk pamanggih hidep, naon mangpaatna hirup ngahiji?

B. PILIH JAWABAN NU PANGBENERNA!

6. Naon sababna urang kudu ngahémat énergi listrik?

- A. sabab lamun dihambur-hambur bisi terus nyetrum
- B. Sabab énergi listrik téh kudu dibeuli atawa dibayar
- C. sabab énergi listrik téh ukur aya di PLN

7. Iraha kuduna urang nyaangkeun lampu di jero imah?

- A. beurang peuting lampu kudu dihurungkeun
- B. ti tabuh genep soré tepi ka tabuh genep isuk-isuk
- C. peuting wungkul, tapi mun rék saré mah teu kudu kabéh sina hurung

8. kuda – déلمان - énergina – sumber – tina
susunan kalimah anu merenah nyaeta ...

- A. kuda delman tina sumber energina
- B. delman sumber energina tina kuda
- C. kuda sumber energina tina delman

9. kompa – dihurungkeun - gancang - geus teu perlu- dipareuman atuh - nya kudu
susunan kalimah anu merenah nyaeta ...

- A. kompa geus teu perlu dihurungkeun, nya kudu gancang dipareuman atuh
- B. kompa dihurungkeun, geus teu perlu nya kudu gancang dipareuman atuh
- C. geus teu perlu kompa dihurungkeun, nya kudu gancang dipareuman atuh

10. jalmi - dipikanyaah - mah - ku Gusti – tawekal
susunan kalimah anu merenah nyaeta ...

- A. tawekal ku Gusti jalmi mah dipikanyaah
- B. jalmi tawekal ku Gusti mah dipikanyaah
- C. jalmi tawekal mah dipikanyaah ku Gusti

11. budak - kedah - hormat - ka sepuh mah
susunan kalimah anu merenah nyaeta ...

- A. ka sepuh mah budak kedah hormat
- B. kedah hormat budak ka sepuh mah
- C. kedah hormat ka sepuh mah budak

12. Ulah waka dipeuncit ayeuna hayam nu ieu mah, sabab begang. Mending nu jago
geura, ngarah

Kecap sabalikna begang nyaeta ...

- A. Lintuh
- B. Kuru
- C. Ipis

13. Urang kudu inget kana jasa batur sanajan sakumaha leutikna ogé, peupeujeuh ulah tepi ka ...
Kecap sabalikna inget nyaeta ...
A. Emut
B. Hayang
C. Poho
14. Sanggeus diberesihan jeung disemprot ku parfum mah, kamar mandi anu tadina bau téh ayeuna jadi
Kecap sabalikna bau nyaeta ...
A. Sengit
B. Beresih
C. Kotor
15. Budak anu sopan, ari leumpang hareupeun kolot kudu
A. ngaléos
B. acuh waé
C. bongkok, bari punten

C. URAIAN

16. Jieun 5 kalimah anu saluyu jeung gambar di handap (mapatahan ngarah ngahemat energi)!



17. Jieun 5 kalimah anu saluyu jeung gambar di handap (mapagahan ngarah hormat ka sepuh)!



18. Tulis 5 kalakuan hade jeung kalakuan teu hade!
Kalakuan hade

Kalakuan teu hade